

直隸叙永廳志卷三

建置沿革志

直隸叙永廳

轄永寧縣

周秦為蜀郡地

漢屬益州

晉置永寧縣屬雲南郡

劉宋周隋因之

唐元和元年置蘭州

宋草州分隸江安合江二縣境

直隸叙永廳志

卷三

建置沿革

元置永寧路領筠連州及騰川縣尋改為永寧宣

撫司

見明史

明玉珍改設永寧鎮邊都元帥府仍

設宣撫司

明洪武四年平蜀永寧內附置永寧衛隸雲南尋

改宣撫司為永寧長官司隸四川永樂十一年改

衛隸貴州都司後陞長官司為宣撫司隸四川布

政司屬川南領九姓太平二長官司天啟初土官

奢崇明等叛討平之編其地為九里隸四川始設

善後廳以徵民糧崇正八年改軍糧廳屬叙州府

並移叙州兵備道於衛城與貴州參將同城

國朝康熙元年改分巡永寧道四年分西城隸四川叙
永同知東城隸貴州威寧府六年裁永寧道九年
復設二十六年改永寧衛爲縣仍隸貴州雍正五
年併歸四川爲永寧縣屬叙州府雍正八年改隸
叙永廳廢太平長官司爲太平里九姓司改隸瀘

州廳地分永城寧靜鳳凰忠義青化
順德太平樂榮平定爲九里

按衛志永寧在唐虞爲梁州荒服三代爲鬼方
戰國屬楚通志未載

直隸叙永廳志

卷三

建置沿革

二

古蘭分駐巡檢

按古蘭州唐時納谿以南統謂之蘭州建州牧宋
併合江江安元設宣撫司明因之天啟初奢崇明
與子寅據之以叛旋討平後流賊寇川總督樊一
蘅屯兵於此

國朝雍正九年設立巡檢分駐古蘭乾隆五年前撫部
院方題定所管樂榮平定二里及永十等甲有
鬪毆死傷人命就近相驗解廳審詳
赤水分駐縣丞

漢屬牂牁郡唐宋屬蘭州元屬永寧宣撫司明洪武二十二年建赤水衛隸屬四川都司永樂十一年改隸貴州都司後改爲赤水縣屬提調於貴陽軍民府隨分本府同知駐鎮永赤

國朝順治十六年開闢雲貴復改爲衛康熙二十六年裁附貴州畢節縣雍正八年撥歸四川永寧縣九年設立縣丞分駐所管長樂大康二里額徵錢糧縣丞就近催徵原封解縣各處遞解人犯過境一例查察如遇分駐地方鬪毆死傷人命卽行相驗

牒縣審詳